

LE CHAPITRE DE L'ESTOILE,
 contenant soixante versets, escrit
 à la Meque.

AV nom de Dieu clement & misericordieux. Je iure par l'Estoile qui disparoit que vostre amy (Mahomet) n'erre pas, il ne dit rien du sien, il ne dit que ce qui luy a este inspiré de Dieu tout-Puissant & tres-liberal. L'Ange s'est aproché de luy au plus hault lieu du Ciel de la longueur de deux arcs, & encore plus près, Dieu luy a inspiré ce qu'il a inspiré à son seruiteur qui n'a rien changé de ce qui luy a esté inspiré. Il a dit ce qu'il a veu, & en quelle figure estoit l'Ange; Ne disputés pas contre luy de ce qu'il a veu, il a veu vne autre fois l'Ange au Ciel auprès de l'arbre qui est au costé droict du trosne de Dieu; & encore que cet arbre fut couuert de ce qui le cou-
 ure, sa veüe n'a pas esté esbloüie, & ne s'est pas deuoyé; Certainement il a veu les grandes merueilles de son Seigneur. Auez vous consideré Alat, Az, & Ménat, cestrois Idoles? Iurerez-vous que Dieu a des filles, & que vous auez fils? vous ferez vn faux serment, & ferez dans vne erreur manifeste; Ces Idoles n'ont autre chose que les noms que vos peres & vous leur auez donnez, Dieu ne vous a pas commandé de les adorer, vous ne suiuez que vos passions estoit-

*Les Turcs
 croient qu'il
 y a vn
 pommier
 au costé
 droict du
 Trosne de
 Dieu, &
 que persö-
 ne ne peut
 monter
 plus hault
 que ses
 branches.*

*non pas
mesmes
les Anges.
Voy Ge-
laldin.*

*Voy Ge-
laldin.
grands &
petits pe-
chez.*

gnées de la verité, Dieu vous enseigne le chemin de salut par la bouche de son Prophete, l'homme obtient-il des Idoles ce qu'il leur demande? Dieu est Dieu au commencement & à la fin, Combien y a-t'il d'Anges au Ciel de quiles prieres sont inutiles, si Dieu ne les a pas agreables? Ceux qui ne croyent pas au iour du Iugement disent que les Anges sont des filles, ils ne sçauent pas ce qu'ils disent, ils en parlent par opinion, & cette opinion n'est pas conforme à la verité. Esloigne-toy de ceux qui abjurent nostre loy qui ne demandent que les biens de la terre, & qui n'ont cognoissance d'autre chose. Ton Seigneur cognoit ceux qui se deuoyent du droict chemin, & ceux qui suiuent la voye de salut, tout ce qui est aux Cieux & en la Terre est à Dieu, il chastiera les meschans & recompensera les bons; Il pardonne les pechez veniels à ceux qui fuyent les pechez mortels, il est grandement misericordieux; Il sçait qu'il vous a creé de terre, & qu'il vous a formé dans le ventre de vos meres. Ne vous loüez pas vous-mesmes, il cognoit ceux qui ont sa crainte deuant les yeux. As-tu veu celuy qui a abandoné la foy? On luy a donne vn peu de bien, & rien dauantage, sçait-il ce qui luy doit arriuer? a-t'il la cognoissance du futur? n'apprendra-t'il pas ce qui est escrit dans les liures de Moïse & d'Abraham, à sçauoir que personne ne portera le fardeau d'autruy l'homme n'aura que ce qu'il aura gagné, à la fin il verra son trauail, il sera salarié selon les œeuures, & tout se verra en la presence de

ton Seigneur. C'est luy qui fait rire & pleurer, il fait viure & mourir, il a créé le male & la femelle de toute chose, il donne & oste l'ame a l'homme quand bon luy semble, il est tres-riche, & n'a besoin de personne. Il est le Seigneur de la planette que les hommes ont adorée. Il a exterminé Aad & Temod, il a submergé le peuple de Noé qui estoit le plus deuoyé & le plus iniuste, il a bouluersé la ville Loth, & la couuerte de pierre brulante. En qui croiront-ils s'ils ne croient pas en ton Seigneur. Ce Prophete est enuoyé pour vous prescher les peines del'Enfer comme ont fait les autres Prophetes qui vous ont precedés; Le iour du Iugement s'approche & personne ne sçait quand il viendra que Dieu, vous esmerueillez vous de ce discours; vous vous en mocquez & ne pleurez pas quand on vous parle, mais vous serez surpris en vos pechez, si vous ne vous humiliez deuant Dieu, & si vous ne l'adorez.

*LE CHAPITRE DE LA LVNE,
contenant cinquante-cinq versets,
escriit à la Meque.*

AV nom de Dieu clément & misericordieux. Le iour du Iugement s'approche, la Lune s'est partagée en deux, neantmoins les infidelles ne croyent pas les miracles quand ils les voyent, il disent que